

**JAWAPAN CADANGAN**

**BAHAGIAN A (5 markah)**

- 1) mempraktikkannya/mengamalkannya
- 2) proses
- 3) punca
- 4) penyatuan
- 5) keunikan

**BAHAGIAN B (30 markah)**

- 6 Apakah tugas sebenar seorang ahli sejarah?  
(6 markah)

Isi Utama	Seorang ahli sejarah bertanggungjawab membuat pemilihan tentang apa yang hendak dikajinya.
Isi Sampingan	dan bukan sekadar mengkaji, mencatatkan dan melaporkan segala hal yang terjadi dalam meriwayatkan dan mentafsirkan kehidupan sesuatu bangsa.
Isi Utama	Beliau juga bertanggungjawab mengasingkan dan membuat rumusan terhadap penemuan bahan-bahan yang banyak dan pelbagai dengan tujuan untuk menunjukkan gambaran yang mengandungi hakikat bangsa.
Isi Sampingan	Maka itu, pengkaji sejarah seharusnya bertanggungjawab menulis untuk membina kefahaman sesuatu peristiwa masa lalu itu secara konstruktif.

- 7 Bagaimanakah orang Melayu berkembang sebagai bangsa maritim?  
(6 markah)

Isi Utama	Perkembangan orang Melayu sebagai bangsa maritim bermula daripada tamadunya yang terbentuk menerusi interaksi masyarakat itu dengan alam iaitu, hal yang berkaitan dengan pandangan dunia, nilai budaya dan sistem kepercayaan dan perundangan.
Isi Sampingan	Seterusnya, tamadun bangsa Melayu berkembang melalui tindak balas komuniti ini terhadap cabaran sosial dan alam sekitar mereka.
Isi Utama	Orang Melayu telah menyatukan daya inovasi dan kreativiti mereka untuk menghadapi cabaran alam sekitar di sekeliling mereka.
Isi Sampingan	Maka itu, terlahirlah suatu kearifan mengenai perahu dan sampan yang merupakan alat pengangkutan penting bagi masyarakat Melayu tradisi dan dianggap sebagai barangan yang berharga.

- 8 Mengapakah usaha mendidik masyarakat untuk menghargai sejarah semakin mencabar?  
(6 markah)

Isi Utama	Usaha mendidik masyarakat untuk menghargai sejarah semakin mencabar kerana negara bangsa moden kini merupakan entiti ekonomi dan bukan lagi entiti kebangsaan atau kebudayaan.
Isi Sampingan	Hal berkaitan kebangsaan dan kebudayaan pula dianggap sebagai hasil sejarah semata-mata.
Isi Utama	Tambahan pula, pendidikan menghargai sejarah semakin mencabar kerana masyarakat hari ini lebih mengutamakan nilai popular dan komersial daripada nilai pembinaan jati diri.
Isi Sampingan	Akibatnya, peninggalan sejarah dan geografi kini sekadar menjadi komoditi komersial pelancongan.

- 9 Sejarah masa depan akan mencatatkan interaksi antara masyarakat, negara dan ekonomi. Jelaskan pernyataan ini.

(6 markah)

Isi Utama	Sejarah pada masa depan akan menyaksikan persaingan yang lebih agresif antara pelbagai golongan masyarakat disebabkan persaingan ekonomi antara satu sama lain.
Isi Sampingan	Ada golongan yang akan menidakkan hak yang lain untuk mendapatkan hak hakiki mereka.
Isi Utama	Peninggalan sejarah bangsa yang panjang dalam sesebuah negara pula akan menjadi pemangkin bagi golongan tertentu untuk meningkatkan semangat persaingan itu.
Isi Sampingan	Namun demikian, semangat warisan cedekiawan akan terus menyantuni pembinaan tamadun bangsa itu dengan memanfaatkan monumen dan dokumen fizikal untuk mengimbangi persaingan itu.

- 10 Berikan maksud perkataan berikut menurut penggunaannya dalam teks.

(6 markah)

- (a) menyantuni - menaruh belas kasihan/ berbudi terhadap sesuatu
- (b) setanding - sama taraf
- (c) hakiki - yang sebenar

